



ԵՐԵՎԱՆԻ ՔԱՂԱՔԱՊԵՏԱՐԱՆ
ՈՐՈՇՈՒՄ N° ՈԲ - 009

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«15» Օգոստոսի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակից Ա. Զոհրաբյանի կողմից 18.07.2023 թվականին հայտնաբերվել է Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 162-րդ հոդվածի 1-ին մասով նախատեսված վարչական իրավախախտում, մասնավորապես՝ Վարդան Հովհաննեսի Շաքիլյանի կողմից Երևան քաղաքի Մ. Խորենացի և Վ. Սարգսյան փողոցների խաչմերուկում՝ ոչ սահմանված տեղում, իրականացվել է քաղցր բամբակի, պոպկորնի առևտուր, որի վերաբերյալ 18.07.2023 թվականին կազմվել է թիվ ԲԱ-000028 վարչական իրավախախտման վերաբերյալ արձանագրությունը (այսուհետ՝ Արձանագրություն):

Արձանագրության կազմման ժամանակ ղեկավարվելով Վարչական իրավախախտումների վերաբերյալ օրենսգրքի 162-րդ, 310-րդ, «Երևան քաղաքում տեղական ինքնակառավարման մասին» օրենքի 60-րդ, հոդվածներով, ինչպես նաև Երևանի քաղաքապետի 11.08.2022 թվականի թիվ 2972-Ա և 26.05.2023 թվականի 1227-Ա որոշումներով կատարվել է առգրավում: Մասնավորապես՝ առգրավվել են՝ 11 հատ պոլիէթիլենային տոպրակի մեջ քաղցր բամբակ, 11 հատ պոլիէթիլենային տոպրակի պոպկորն:

Քննարկվող առգրավման գործընթացը տեսանկարահանվել և լուսանկարահանվել է համապատասխան գործողությունն իրականացնող աշխատակիցների կողմից:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ: Հարուցված վարչական վարույթի շրջանակներում գործի քննությունը նշանակվել է 15.08.2023 թվականին:

2. Գործի լուծման համար էական նշանակություն ունեցող ապացույցները.

Վարչական վարույթի նյութերում առկա են և որպես մեկ համակցություն, հետազոտվել են՝

1. Արձանագրությունը,

2. 18.07.2023 թվականին կազմված թիվ ԲԱ-000028 արձանագրությամբ առգրավվող վարչական իրավախախտում կատարելու գործիք կամ անմիջական օբյեկտ հանդիսացող առարկայի թիվ Ն-000008 նույնականացման թերթիկը,

4. 18.07.2023 թվականին կազմված «Արձանագրություն» վերտառությամբ նյութը,

6. վարչական իրավախախտման դեպքի հայտնաբերման պահին կատարված լուսանկարը,

7. վարչական իրավախախտման դեպքի հայտնաբերման պահին կատարված տեսագրությունը,

10. Վարույթի մասնակցին ուղղված ծանուցագիրը,

11. Վարույթի մասնակցին ուղղված ծանուցագրերի առաքման փաստը հավաստող՝ թիվ LO110579533AM փոստային անդորրագիրը,

12. «Հալիոստ» ՓԲ ընկերության հանձնման-ստացման թիվ ALO110579533AM անդորրագիրը,

13. Վարույթի մասնակցի բացատրությունները:

3. Գործի քննության ընթացքում պարզման ենթակա հանգամանքը.

(ա) վարչական իրավախախտում կատարված լինելու փաստը, (բ) անձի մեղավորությունը վարչական իրավախախտման կատարման մեջ, (գ) անձի՝ վարչական պատասխանատվության ենթակա լինելը, (դ) պատասխանատվությունը մեղմացնող կամ ծանրացնող հանգամանքների առկայությունը, (ե) վարչական իրավախախտման հետևանքով գույքային վնաս պատճառված լինելը, (զ) գործի ճիշտ լուծման համար նշանակություն ունեցող այլ հանգամանքներ:

3.1 Վարչական իրավախախտում կատարված լինելու փաստը. «Առևտրի և ծառայությունների մասին» օրենքի 2-րդ հոդվածի համաձայն՝ առևտրի իրականացման վայրը՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք է, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Նույն օրենքի 3-րդ հոդվածի համաձայն՝ առևտրի օբյեկտների տեսակներն են՝ խանութները, կրպակները, հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերը:

Առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Վարչական իրավախախտումների վերաբերյալ օրենսգրքի 162-րդ հոդվածի 1-ին մասին համաձայն՝ ոչ սահմանված տեղերում կամ օրենսդրությամբ սահմանված պահանջների խախտմամբ առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասուներեք անգամից մինչև հարյուրապատիկի չափով՝ առևտրի կամ ծառայությունների մատուցման ընթացքում օգտագործվող և իրավախախտում կատարած անձին կամ երրորդ անձին սեփականության իրավունքով պատկանող առարկաների բռնագրավմամբ կամ առանց դրա:

Վերոգրյալ իրավանորմերի համակարգային վերլուծությունից բխում է, որ առևտրային գործունեությունը պետք է կազմակերպվի առևտրի օբյեկտի տարածքում, իսկ այն դեպքում, երբ համապատասխան գործունեությունը դրսևորվում է սահմանված տարածքից դուրս, ապա առկա է Վարչական իրավախախտումների վերաբերյալ օրենսգրքի 162-րդ հոդվածի 1-ին մասով նախատեսված զանցանքի օբյեկտիվ կողմից դրևորումը:

Օբյեկտիվ կողմից առկայության փաստը հաստատվում է վարույթի նյութերում առկա տեսագրության, լուսանկարների, արձանագրության, նույնականացման թերթիկի, «արձանագրություն» վերտառությամբ նյութի համակարգային ուսումնասիրմամբ, ինչպես նաև առերևույթ առգրավված ապրանքի առկայությամբ, քանզի եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

3.2 անձի մեղավորությունը վարչական իրավախախտման կատարման մեջ, Ոչ սահմանված վայրում իրացվող ապրանքը գտնվել է Երևան քաղաքի կողմից Երևան քաղաքի Մ. Խորենացի և Վ. Սարգսյան փողոցների խաչմերուկում: Ապրանքների իրացումը Վարդան Հովհաննեսի Շաքիլյանի կողմից իրացված լինելու մասին են վկայում արձանագրությունը, նույնականացման թերթիկը, «արձանագրություն» վերտառությամբ նյութը, լուսանկարը, տեսագրությունը, ինչպես նաև առերևույթ առգրավված ապրանքի առկայությունը, քանի որ եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

Վարդան Հովհաննեսի Շաքիլյանը ներկայանալով վարույթի նիստին իրեն ճանաչել է մեղավոր և ընդունել իր մեղավորությունը գրավոր բացատրագրով:

Նման պայմաններում վերոգրյալ ապացույցների մեկ համադրության մեջ ուսումնասիրության արդյունքում փաստվում է Վարդան Հովհաննեսի Շաքիլյանի մեղքը վերջինիս մեղսագրվող արարքում:

3.3 անձի՝ վարչական պատասխանատվության ենթակա լինելը, Վարդան Հովհաննեսի Շաքիլյանը՝ հանդիսանում է 16 տարին լրացած անձ, որպիսի պայմաններում վերջինս կարող է ենթարկվել վարչական պատասխանատվության, իսկ քննարկվող դեպքում առկա է են Օրենսգրքով սահմանված վարչական պատասխանատվությունը բացառող հանգամանքները:

3.4 պատասխանատվությունը մեղմացնող կամ ծանրացնող հանգամանքների առկայությունը. Քննարկվող դեպքում առկա է են Օրենսգրքի 33-րդ հոդվածով նախատեսված վարչական իրավախախտման համար պատասխանատվությունը մեղմացնող հանգամանքներ:

Առկա են Օրենսգրքի 34-րդ հոդվածի 1-ին մասի 1-ին կետով նախատեսված վարչական պատասխանատվությունը ծանրացնող փաստական հանգամանքները, մասնավորապես՝ Վարդան Հովհաննեսի Շաքիլյանը շարունակել է հակաիրավական վարքագիծը, չնայած այն դադարեցնելու մասին դրա համար լիազորված անձանց պահանջին:

3.5 Վարչական իրավախախտման հետևանքով գույքային վնաս պատճառված լինելը. Իրավախախտման պահի դրությամբ իրավախախտման հետևանքով գույքային վնաս չի առաջացել:

3.6 գործի ճիշտ լուծման համար նշանակություն ունեցող այլ հանգամանքներ. Վարչական մարմնի գործը քննելու իրավասությունը հավաստվում է Օրենսգրքի 219.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի թիվ 2703-Ա որոշումներով:

Վարչական իրավախախտման վերաբերյալ գործի արձանագրությունը և մյուս նյութերը կազմվել են ՀՀ գործող օրենսդրության պահպանմամբ: Արձանագրությունը կազմվել է Վարդան Հովհաննեսի Շաքիլյանի ներկայությամբ վերջինս հրաժարվել է ստորագրել արձանագրությունը, ինչի մասին նշում է կատարվել արձանագրության մեջ: Գործի նյութերում ոչ վերաբերելի և ոչ թույլատրելի ապացույցներ առկա չեն:

Հարուցված վարչական վարույթի շրջանակներում գործի քննությունը նշանակվել է 15.08.2023 թվականին:

Վարույթին ներկայացավ Վարդան Հովհաննեսի Շաքիլյանը, ով վարչական մարմնին բացատրություն տվեց այն մասին, որ ամբողջությամբ ընդունում է իրավախախտումն իր կողմից կատարված լինելու փաստը և համաձայնվել է առգրավման փաստի հետ:

Գործի քննության ընթացքում Վարդան Հովհաննեսի Շաքիլյանի կողմից որևէ միջնորդություն չի ներկայացվել վարչական մարմնին:

Վարչական իրավախախտումը կատարվել է 18.07.2023 թվականին, ինչի մասին է վկայում վարույթի նյութերում առկա՝ արձանագրությունը, «արձանագրություն» վերտառությամբ նյութը, լուսանկարները, տեսագրությունը, նույնականացման թերթիկը, ինչպես նաև առերևույթ առգրավված ապրանքի առկայությամբ, քանի եթե չլիներ իրավախախտման դեպք չէր կարող 18.07.2023 թվականին առգրավվել ոչ սահմանված վայրում իրացվող ապրանքը: Նման պայմաններում լրացած չէ Վարդան Հովհաննեսի Շաքիլյանին վարչական պատասխանատվության ենթարկելու վաղեմությունը:

Վարույթի ժամկետի մասով, վարչական մարմնին արձանագրում է, որ վարչական վարույթի մյուս նյութ հանդիսացող «Հայփոստ» ընկերության հանձնման-ստացման թիվ ALO110579533AM անդորրագիրը գործի քննությունն իրականացնող իրավասու պաշտոնատար անձի կողմից ստացվել է 11.08.2023 թվականին (առաքանին հանձնվել է հասցեատիրոջը 11.08.2023 թվականին), որպիսի պահից մինչև 15.08.2023 թվականը քիչ է 15 օրից:

4. Գործի քննությունն իրականացնող իրավասու պաշտոնատար անձի եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ 18.07.2023 թվականին Վարդան Հովհաննեսի Շաքիլյանի կողմից Երևան քաղաքի Մ. Խորենացի և Վ. Սարգսյան փողոցների խաչմերուկում՝ ոչ սահմանված տեղում իրականացվել է առևտուր, որով վերջինիս կողմից թույլ է տրվել Օրենսգրքի 162-րդ հոդվածի 1-ին մասով նախատեսված վարչական իրավախախտում:

Հաշվի առնելով այն հանգամանքը, որ քննարկվող դեպքում առկա են վարչական իրավախախտման համար պատասխանատվությունը ծանրացնող հանգամանքներ, ուստի կիրառման ենթակա է նախատեսվող սանկցիայի առավելագույն սահմանաչափը, իսկ առգրավված ապրանքները ենթակա են բռնագրավման:

5. Վարչական ակտ ընդունելու իրավական հիմքերը.

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» օրենքի 2-րդ հոդվածով, 3-րդ հոդվածի 2-րդ մասով, Օրենսգրքի, 23-րդ հոդվածի 1-ին մասի 2-րդ կետով, 34-րդ հոդվածով, 162-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա և 25.07.2022 թվականի թիվ 2703-Ա որոշումներով՝

ՈՐՈՇԵՑԻ

1. Վարդան Հովհաննեսի Շաքիլյանին Օրենսգրքի 162-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Բռնագրավել Վարդան Հովհաննեսի Շաքիլյանից առգրավված՝ 11 հատ պոլիէթիլենային տոպրակի մեջ քաղցր բամբակը, 11 հատ պոլիէթիլենային տոպրակի պոպկորնը:

2. Նախագգուշացնել Վարդան Հովհաննեսի Շաքիլյանին, որ վարչական տույժ նշանակելու օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 200.000 ՀՀ դրամ գումարի չափով, ինչպես նաև վարչական իրավախախտում կատարելու գործի կամ անմիջական օբյեկտ հանդիսացող առարկայի բռնագրավում:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

**ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**



ԱՐԱՄ ՄԱՐՏԻՐՈՍՅԱՆ